

Førebels reglement for Etne Ungdomsråd

§ 1. Val og samansetjing

Etne ungdomsråd vert vald av kommunestyret for 2 år om gongen og etter reglar gjeve i Lov om kommunale og fylkeskommunale ungdomsråd.

Val til rådet skal haldast innan 15. september der halve ungdomsrådet vart valt kvar år.

Reglane i kommunelova gjeld for verksemda i rådet, så langt ikkje anna går fram av dei andre lovane. M.a.o. gjeld ikkje §§ 36 og 37 om forholdstalsval i kommunelova.

Ungdomsrådet skal ha slik samansetjing:

Skånevik ungdomsskule:	2 representantar og 2 vararepresentantar
Enge ungdomsskule:	3 representantar og 2 vararepresentantar
<u>Ungdom i alderen 16 – 19 år:</u>	<u>4 representantar og 2 vararepresentantar</u>
Totalt	9 representantar og 6 vararepresentantar

1. vararepresentantar møter fast i ungdomsrådet.

Kvart kjønn skal vera representert med minst 40%.

Rådet konstituerer seg sjølv.

§ 2 FORMÅL

2.1 Ungdomsrådet i Etne Kommune skal ivareta ungdom sine interesser, stimulera ungdom i alderen 13 – 19 år til deltaking i politisk og frivillig arbeid, og til å utøva påverknad på politiske saker.

2.2. Ungdomsrådet skal oppnå dette m.a. gjennom:

§ 3. SAKSOMRÅDE

Ungdomsrådet har eit spesielt ansvar for å uttala seg i saker som gjeld unge menneske sine levekår.

Ungdomsrådet skal m.a.:

- Å fremja eigne saker og å kunna ta opp til drøfting barn og unge sine interesser i kommunen. Ungdomsrådet står fritt til å ta opp dei saker rådet ønskjer.
- Å halda seg orientert om saker som gjeld barn og unge i kommunen.
- Å engasjera seg i saker som vedkjem barn og unge.
- Å vera pådrivar for det offentlege og friviljuge barne- og ungdomsarbeidet i kommunen.
- Ungdomsrådet skal vera partipolitisk uavhengig.

§ 4 UNGDOMSRÅDET SINE MØTE

Rådet skal som hovudregel ha møte etter oppsett møteplan. Rådet skal også ha møte når leiaren finn det nødvendig, eller når minst tre medlemmer krev det.

Rådet skal til vanleg kallast inn med minst 8 dagars varsel og kunngjerast offentleg. Saksdokumenta skal sendast medlemer, varamedlemmer og andre med møterett. Saksdokumenta skal snarast råd også leggjast ut på kommunen sine heimesider på internett.

Det skal førast møtebok. Utskrift av møteboka skal sendast til formannskapsmedlemene, medlemene og varamedlemmene av ungdomsrådet og til andre med møterett.

§ 5 KOORDINATOR

5.1. Kommunedirektøren syter for koordinator for ungdomsrådet. Dette er ein føresetnad for drift av Ungdomsrådet. Koordinator skal administrera arbeidet med ungdomsrådet.

5.2. Oppgåver for koordinator er:

- Å hjelpa ungdomsrådet med å etablera naudsynt kontakt med kommunale organ og kontaktpersonar.
- Hjelpa til ved val/rekruttering
- Vera sekretær for ungdomsrådet
- Leggja til rette for opplæring.

§ 6 GODTGJERSLE

Medlemene skal ha godtgjersle i samsvar med K-vedtak 19/047, for tida 0,25 promille av ordførarløn pr møte. Leiar får 0,5 promille.

§ 7 ÅRSMELDING

Rådet arbeider kvart år ut ei årsmelding om verksemda si. Årsmeldinga skal leggjast fram for kommunestyret.

§ 8 FORHOLDET TIL ANDRE LOVVERK/REGLEMENT

Kommunelova sine reglar gjeld framom dette reglementet. Dersom ikkje anna er vedteke i dette reglementet, gjeld reglementet for kommunestyret også for dette rådet.

§ 9. MØTA I UNGDOMSRÅDET

9.1. Kommunestyret fastset kvart år møteplan. Det skal vera minst to møte pr. semester.

Rådet kan gjera endringar i møteplanen etter behov. Innkalling til møta skjer frå ungdomsrådet sin koordinator i samarbeid med leiar minst 8 dagar før møtet.

Ungdomsrådet sin møteplan skal leggjast inn i kommunal møteplan, og innkallingar og referat skal leggjast inn i kommunen sitt sak- /arkivsystem.

9.2. Ungdomsrådet kan invitere politikarar, administrasjon og andre til rådsmøta for å få orientering, spørsmål eller anna.

9.3. Minst 50 % av representantane må vera til stades for at ungdomsrådet skal vera vedtaksført.

9.4 Dagsorden for møta i ungdomsrådet:

1. Opprop.
2. Godkjenning av innkalling og referat.
3. Godkjenning av dagsorden.
4. Val av 2 representantar til å skriva under møteboka.
5. Statusrapport økonomi v/ koordinator.

6. Gjennomgang av referatsaker.
7. Handsaming av saker.
8. Ymse.

- 9.5 Leiar har dobbelstemme.
Økonomi og sekretærfunksjon vert lagt til koordinator, jf § 5.
- 9.6 To representantar for ungdomsråd har møte-, forslags- og talerett i komitéane, formannskap og kommunestyre i einskildsaker, etter å ha meldt saker inn på førehand til ordførar/komitéleiar.
- 9.7 Alle vararepresentantane har rett til å møta i ungdomsrådet.
Vararepresentantar har tale og forslagsrett, men har ikkje stemmerett før dei representerer ein av dei faste medlemmene i ungdomsrådet.
1. vararepresentantar (3 stk) møter fast i ungdomsrådsmøta.

§ 10. Val / rekruttering og opplæring

- 5.1. Representantane til ungdomsrådet vert valde innan 15. september for 2 år.
Vararepresentantar vert valde for 1 år.
- 5.2. Ved val / utpeiking av medlemmer til ungdomsrådet skal det leggjast vekt på at begge kjønn vert mest mogeleg jamt representert, minst 40 %.
- 5.3. Ein representant eller vararepresentant kan søkja permisjon eller fritak frå rådet.
Ungdomsrådet tek stilling til søknaden med alminneleg fleirtal.
- 5.4. Medlemmene i ungdomsrådet skal få opplæring i demokrati/ vedtaksprosessar og innføring i ungdomsrådet sin funksjon og oppgåver tidleg i perioden.
- 5.5. Ungdomsrådet konstituerer seg sjølv og vel leiar, nestleiar og føretek skulevis rangering blant vararepresentantane.

§11. ØKONOMI OG RAPPORTERING

- 11.1 Ungdomsrådet disponerer sjølv dei midlane som vert avsett til rådet si verksemd.
- 11.2 Ungdomsrådet skriv årsmelding som vert sendt til kommunestyret kvart år. Meldinga skal m.a. innehalda opplysingar om eiga møteverksemd og viktige saker som er tatt opp.

§ 12. ENDRING AV REGLEMENT

Reglementet skal takast opp til vurdering av ungdomsråd minst kvart 3. år. Første gong i 2020. Endringar skal godkjennast av kommunestyret.